

Headline **Kesan gurisan di tangan**
Date **04. Mar 2008**
Media Title **Harian Metro**
Section **Setempat**
Circulation **336603**
Readership **2192000**

Language **MALAY**
Page No **23**
Article Size **357** cm2
Frequency **Daily**
Color **Full Color**



Kesan gurisan di tangan



gelutan dengan seseorang. Dia yang menerima arahan untuk memeriksa Shamim dan Javeed daripada Sarjan Roslee Ishak, 41, dan Lans Koperal Merina Inggot dari Jabatan Siasatan Jenayah Ibu Pejabat Polis Daerah (IPD) Kajang, turut mengambil sampel darah tertuduh.

SHAH ALAM: Beberapa kesan gurisan dan kecederaan dapat dilihat di bahagian tangan serta lengan kedua-dua tertuduh dalam kes bunuh memabitkan pengarah kilang plastik, Reyaz Ahamed Maruf, empat tahun lalu.

Pegawai Perubatan Klinik Kesihatan Bangi, Nurazzah Lajis, 30, berkata dia diminta memeriksa tertuduh pertama, Shamim Bano Mohammed Farooque, 38, dan Javeed Akhtar Abdul Waheed, 35, pada 10 November 2004 iaitu dua hari selepas mayat Reyaz ditemui.

Katanya, hasil pemeriksaan dilakukan mendapati ada kesan gurisan berukuran kira-kira satu sentimeter pada kedua-dua tangan Shamim dan kecederaan itu besar kemungkinan berpunca daripada geseran.

Selain Shamim, ada kesan gurisan pada kedua-dua tangan Javeed, kesan gurisan luka mendatar pada sebelah lengan kiri dan jari kelingking kiri, selain tidak menolak ia berlaku akibat per-

Saksi pendakwaan ke-16 itu yang juga graduan Universiti Putra Malaysia (UPM) berkata demikian ketika menjawab soalan Timbalan Pendakwa Raya Salim Soib berhubung laporan perubatan disediakan terhadap kedua-dua tertuduh yang dilakukannya di Hospital Kajang.

SALIM: Apakah sebab kecederaan dialami Javeed pada jari kelengkeng?

NURAZZAH: Ia tidak seperti disebabkan benda tajam.

SALIM: Boleh kemungkinan ia disebabkan kesan gigitan?

NURAZZAH: Boleh sebab kecederaan itu nampak bergerigi.

SALIM: Berapa lama tempoh kecederaan?

NURAZZAH: Nampak baru dan lebih kurang dua hari.

SALIM: Selain tiga kecederaan dialami Javeed ada nampak kecederaan lain?

NURAZZAH: Saya tidak nampak kecederaan lain.

SALIM: Pernah kamu merawat pesakit lain sebelum ini berkaitan kecederaan dialami kedua-dua tertuduh?

NURAZZAH: Pernah.

SALIM: Berapa kali?



TUNDUK...Shamim (kiri) dan Javeed ketika diiringi polis ke Mahkamah Tinggi Shah Alam, semalam.

NURAZZAH: Dua atau tiga kali.

SALIM: Boleh kamu beritahu dengan pasti ataupun tidak, kecederaan pada jari kelengkeng kiri Javeed disebabkan gigitan?

NURAZZAH: Ya pasti.

SALIM: Atas dasar apa kamu pasti?

NURAZZAH: Sebab luka tidak berapa dalam dan bergerigi.

SALIM: Adakah kamu boleh ketepikan ia disebabkan benda tajam?

NURAZZAH: Boleh.

SALIM: Ketika disoal balas

peguam bela berhubung laporan pemeriksaan kamu, mengapa kamu tidak menulis kecederaan disebabkan gigitan?

NURAZZAH: Ketika itu saya tidak pasti bagaimana hendak menggambarannya.

Mengikut pertuduhan, Shamim Bano dituduh bersama-sama sepupunya operator mesin, Javeed membunuh suaminya, Reyaz di

nombor 20 Jalan G, Seksyen 4 Tambahan, Bandar Baru Bangi, di sini.

Mereka didakwa melaku-

kan perbuatan itu antara jam 3 hingga 5 pagi pada 8 November 2004 dan didakwa mengikut Seksyen 302 Kanun Keseksaan.

Jika sabit kesalahan Shamim Bano dan Javeed, masing-masing diwakili peguam Kartar Singh dan J Kuldeep Kumar, akan dihukum gantung sampai mati.

Perbicaraan di hadapan Hakim Datuk Zaharah Ibrahim bersambung 20 Mei ini untuk hujahan di akhir pendakwaan kedua-dua pihak.